

403358

III 1842/1843

kat. komp.

... 403358
in

INDEX SCHOLARUM
IN
UNIVERSITATE STUDIORUM
JAGELLONICA

INDE

A DIE 1 OCTOBRIS ANNI MDCCCXLII

USQUE

AD MEDIUM MENSEM JULIUM ANNI MDCCCXLIII

HABENDARUM.

CRACOVIAE

TYPIS UNIVERSITATIS.

1842/43

775877

III 1842/1843

Kat. Koup.

INDEX SCHOLARUM

IN

UNIVERSITATE STUDIORUM

AGGREGATA

INDEX

Za pozwoleniem Cenzury Rządowej.

A DIE 1 OCTOBRI ANNI MDCCCXXXIII

403358

III

1842/1843



Biblioteka Jagiellońska



1002470133

Bibl. Jagiell.

1978

570/75

VI

JOANNES CAJETANUS TROJANSKI
UNIVERSITATIS STUDIORUM JAGELLONICAE CRACOVIENSIS
RECTOR
CUM
SENATU ACADEMICO
CIVIBUS LITERARUM STUDIO S.

Excellentis ingenii, quo C. Jul. Caesar praeditus fuit, monumenta, quae quidem ad nos pervenerunt, quanti pretii habenda semperque habita sint, neminem Vestrum fugere, satis superque nobis notum est. Quapropter gratam rem Vobis nos esse facturos speramus, si codicis membranacei bellorum a Caesare gestorum commentarios integros continentis, qui in bibliotheca nostra asservatur, non illius quidem optimi, at satis boni tamen, certe elegantissimis adnumerandi, pro temporis ac loci ratione vel paucis verbis mentionem fecerimus. Is quidem fol. min. signo FF. V. 2. notatus descriptus est paginis indivisis neque signatis versuum 32, sed quo tempore et a quo, hujus rei nulla in libro reperiuntur vestigia; siquidem ex verbis, quae in summo margine primae schedae adscripta sunt manu Broschii, medici et mathematici suo tempore per universum orbem terrarum longe clarissimi: „*M. Joannes Broschius Curzeloviensis in foro scrutario emit 15 Septemb. 1615 30 gss (grossis)*“ neque de antiquitate neque de librario quidquam conjicere licet. Formam tamen literarum et rationem scribendi considerantes, cujus utriusque imaginem in scheda adjecta accurate expressam oculis Vestris subjicimus ⁽¹⁾, inducimur, ut ad seculum 10 referendum putemus ⁽²⁾. Gallici et civilis belli historia in libros divisae

⁽¹⁾ Hoc opus debetur industriae Viri aequae docti ac facili et officiosi, Theophili Żebrowski, Ph. Dris, cujus simili opera jam anno superiore in describendis Plinii codicibus usi sumus.

⁽²⁾ Aut seculo 10 is quidem scriptus est, aut ad exemplum codicis seculi 10 accuratissime

sunt, qui intervallo binorum versuum separati titulis quidem carent, sed literis initialibus pictis et auro excultis sunt insigniti. In historia tamen belli civilis spatia nonnisi sunt relictæ, in quibus literae depingendae erant. Idemque obtinet in historia reliquorum bellorum. Hoc autem notatu dignum, librum sextum b. g. in medio ita divisum esse, ut caput 29 novi libri initium sit factum. Quod et intervallo duorum versuum et litera picta clare demonstratur. Utri familiae ex posterioribus (e divisione videlicet Elberlingiana) accensendus sit Cracoviensis codex, Petaviana, an illi quam Bongarsianus ducit, e factis adhuc collationibus certo declarare non quimus; praesertim quum librum percurrentes in nonnulla inciderimus, quæ illi adeo propria sunt, ut ex alio, quam reliqui superstites Caesaris codices, fonte fluxisse videatur. Ut enim praetereamus scripturam: *hedui, heburones, haduatuci*, quam et alii nonnulli exhibent, his potissimum de causis in eam opinionem adducti sumus: quod in hoc codice ommissa interdum sunt in fine, quæ alii constanter repraesentant, v. c. in fine libri octavi verbum *Contendit*—, in fine historiae belli civilis verba: *Haec initia belli Alexandrini fuerunt* (quæ a librario facile invehi potuerunt transitum faciente ad sequentem historiam); quod inveniuntur lectiones ab iis, quas alii codices habent, plane diversae, ut in fine libri septimi: *Harum rerum litteris cognitis rome dierum XX supplicatio redditur*; denique quod interdum verba aliter, quam in aliis libris, transposita leguntur, v. g. VII 1. *posse hunc casum ad ipsos recidere demonstrant*; quæ sane verborum collocatio haud inconcinna videtur.

Sed hactenus de codice nostro. Nunc, quod scholarum initio facere solemus, ad Vos, adolescentes ornatissimi, orationem convertimus, iterum atque iterum monentes, ut, cujus rei causa limina nostra adiistis, eas disciplinas et artes, quibus Vos dedidistis, non leviter tantum et veluti in transitu attingatis, sed totum animum et diligentiam in iis ediscendis ponatis, idque Vobiscum semper cogitatis, doctrinam vel præstantissimam sine pietate in Deum et moribus probis omni ornamento et fructu esse destitutam. Valete.

expressus: siquidem lineae, in quibus literae sunt exaratae, et quæ scripturam a summo et ex parte utraque claudunt, stilo non cerussato sunt ductae, ita quidem, ut ambae directae ad imum usque marginem pertineant; in fine verborum ubique *f* loco *s*, item *q* loco *ae* positum observavimus; *i* aut accentu notatum, aut sine omni nota; denique compendia scripturae non multa occurrunt. Quæ cuncta sec. 10 librariis in usu fuisse constat.

*Et Caesaris b. g. initium Libri VIII, et postrema
verba libri VI.*

exercitum prouiso. ut instituerat in italiam ad conuen-
tus agendos profectus est. :-



MAGNA gallia: cesar ut constituerat in italia
ad conuentus agendos proficiscitur. Ibi cogno-
scit de clodij cede senatusq; consulto certior
factus: ut omnes iuniores italique coniuraret
delectum tota prouincia habere instituit.
His res in galliam transalpinam celeriter per-
feruntur. Addunt ipsi et affingunt rumorib; galli: qd
res poscere uidebatur: retineri urbano motu cesarem.
neq; in tantis dissensionibus ad exercitum uenire posse.
Hac impulsu occasione. qui iam ante populi. ro. impe-
rio se subiectos doluerunt. liberius atq; audacius de bel-
lo consilia inire incipiunt. Indictis inter se principes e
gallie consilijs siluestrib; ac remotis locis: queruntur de
accomis morte. posse hunc casum a dispsol recidere demo-
strant. Miserrantur comune gallie fortunam omnibus pol-
licitationibus ac premijs deposcunt: qui belli initia faci-
ant. et sui capitis periculo galliam in libertatem uindi-
cent. In primis rationem esse habendam dicunt prius q
eorum clandestina consilia effertantur. ut cesar ab exerci-

ORDO THEOLOGORUM.

CAROLUS TELIGA

S. TH. D. P. O. P. FACULTATIS THEOLOGICAE H. T. DECANUS.

Historiam Ecclesiasticam et Patristicam, auditoribus anni primi in utroque semestri, diebus Lunae, Mercurii et Veneris ab hora 10—12; diebus vero Martis, Jovis et Saturni ab hora 11—12 explanabit.

LEO LAURYSIEWICZ

S. TH. D. P. O. P.

Auditoribus anni tertii Theologiam Pastoralem, Catecheticam, Didacticam, Eloquentiam sacram, simulque artem naturaliter mutos surdosque tractandi et instituendi sequenti ordine tradet: Semestri hyemali diebus Lunae et Martis ab hora 9—10 Theologiam Pastoralem, a 10—11 Catecheticam; Diebus Veneris et Saturni ab hora 10—11 Theologiam Pastoralem, ab 11—12 Catecheticam, nec non ab hora postmeridiana 2—3 Theologiam Pastoralem duce Povondra; Semestri aestivo iisdem horis et diebus, Eloquentiam Sacram duce Skideff, Didacticam duce Veincopf, atque artem mutos surdosque tractandi duce Czech.

IGNATIUS PENKA

S. TH. D. P. O. P.

Institutiones Dogmaticas auditoribus anni secundi diebus Lunae, Martis, Mercurii, Jovis et Veneris ab hora 11—12, duce Klüpfel; Ethicas vero auditoribus anni tertii, diebus Lunae, Martis, Mercurii et Jovis ab hora 10—11, duce Stapf, profitebitur.

FELIX SOSNOWSKI

S. TH. D. P. O. P.

Archaeologiam et Hermeneuticam auditoribus anni primi, semestri hyemali, diebus Lunae, Veneris et Saturni ab hora 8—9 duce Ackermann et Alber; Linguam Hebraicam et Syro-haldaicam, diebus Martis et Mercurii ab hora 9—10 per utrumque semestre, duce Jahn et Oberlejtner; semestri aestivo Exegesim SS. Librorum Veteris Foederis, diebus Lunae, Veneris et Saturni ab hora 8—9, duce Calmet; Introductionem in Libros Veteris et Novi Foederis, auditoribus anni secundi, semestri hyemali diebus Martis et Mercurii ab hora 8—9, die vero Saturni ab 9—10, duce Ackermann et Alber, semestri aestivo iisdem diebus et horis Exegesim Novi Foederis, nec non semestri hyemali die Lunae ab hora 9—10, Linguam Arabicam, et semestri aestivo, eadem hora et die Exegesim sublimiorem docebit. Auditores anni primi praelectionibus Paedagogiae, anni vero secundi praelectionibus Juris Canonici interesse tenentur, secus ascensu carebunt.

ORDO JURISCONSULTORUM.

FELIX SŁOTWIŃSKI

PHIL. ET J. U. D. P. P. O. H. T. FACULTATIS JURIDICAE DECANUS.

Historiam Juris Romani et Institutiones auditoribus anni primi per utrumque semestre diebus Martis et Saturni ab h. 8—9, duce Bacchio et Heineccio, — Jus ecclesiasticum auditoribus anni 2di per utrumque semestre diebus Lunae, Veneris et Saturni ab h. 9—10 secundum suum opus, cui titulus: *Institutiones juris ecclesiastici* typis editum; Pandectas auditoribus anni 2di

per utrumque semestre diebus Lunae, ab h. 8—9, diebus vero Martis, Mercurii et Jovis ab h. 9—10, duce Westenbergio e propriis shedis interpretabitur.

ADAMUS KRZYŻANOWSKI

J. U. D. P. P. O.

Jus civile mercantile et processum extrajudicalem auditoribus anni tertii per utrumque semestre diebus Lunae, Martis, Mercurii, Jovis, Veneris et Saturni ab hora 8—9, et diebus Lunae, Mercurii et Saturni ab hora 9—10, duce Delvincourt et Locrée praeleget.

ANTONIUS MATAKIEWICZ

J. U. D. P. P. O.

Leges fundamentales civitatis auditoribus anni primi semestri hyemali diebus Lunae, Mercurii et Veneris ab hora 9—10, juxta vigentia hac in re statuta ac rescripta, semestri vero aestivo jus criminale tam theoreticum, quam positivum austriacum et polonum iisdem horis exponet.— Auditoribus autem anni tertii processum civilem judicalem per utrumque semestre diebus Martis et Jovis ab hora 9—10, et diebus Lunae, Mercurii, Veneris et Saturni ab hora 10—11 explicabit; juxta codices obligantes et eorum commentatores.

FERDINANDUS KOJSIEWICZ

J. U. D. P. P. O.

Oeconomiam politicam, et jus naturae privatum, publicum et gentium, auditoribus anni primi per utrumque semestre diebus Lunae, Mercurii, Jovis et Veneris ab h. 8—9, et diebus Martis,

Jovis et Saturni ab h. 9—10, duce Zeiller, Martini, Say et Skarbek; auditoribus vero anni secundi per utrumque semestre diebus Martis et Saturni ab h. 10—11 Politiam et notitiam status rerum publicarum, juncta redditus publicos tractandi arte, duce Lotz, Rau et Schnabel, tradet.

ORDO MEDICORUM.

LUDOVICUS BIERKOWSKI

PHIL. M. ET CH. D. P. P. O. INSTITUTI CHIRURGICO-CLINICI DIRECTOR H. T.

FACULTATIS MEDICAE DECANUS.

Chirurgiam theoreticam generalem et specialem e propriis scriptis, duce Chelio, per utrumque semestre auditoribus anni tertii diebus Lune, Mercurii et Veneris ab h. 11—12; Chirurgiam practicam auditoribus anni quarti per utrumque semestre diebus Martis, Jovis et Saturni ab h. 10—12; Praxin chirurgicam per utrumque semestre diebus Lunae, Martis, Mercurii, Jovis et Veneris ab h. 10—11 docebit.

ALOYSIUS ESTREICHER

PH. ET M. D. P. P. O. HORTI BOTANICI DIRECTOR.

Historiam naturalem universalem auditoribus anni 2di Philosophiae per utrumque semestre diebus Lunae, Martis, Mercurii, Veneris et Saturni ab h. 10—11;

Mineralogiam et Zoologiam auditoribus anni primi Medicinae semestri hyemali diebus Lunae, Martis, Mercurii, Jovis et Veneris ab hora 11—12, duce Berzelio, Leonhardo et Oken; semestri aestivo iisdem auditoribus Botanicam generalem et spe-

cialem duce Richard et Winkler diebus Lunae, Martis, Mercurii, Jovis et Veneris ab hora 6—7, explanabit.

JOSEPHUS BRODOWICZ

M. D. P. P. O. INSTITUTI MEDICO-CLINICI DIRECTOR.

Pathologiam et Therapiam specialem e propriis scriptis duce Hildebrand et Reimann, diebus Lunae, Martis, Mercurii, Jovis et Veneris, ab hora 9—10, Praxin medicam iisdem diebus ab h. 8—9, auditores anni quarti et quinti docebit.

FLORIANUS SAWICZEWSKI

M. D. P. P. O.

Pharmaciam diebus Lunae, Martis, Mercurii, Jovis et Veneris, ab hora 7—8, duce Geiger, — Chemiam generalem, nec non practico-forensem, duce Berzelio, Dumas et Hünefeld, diebus Lunae, Martis, Mercurii, Jovis et Veneris ab hora 8—9, per utrumque semestre, auditoribus anni primi et secundi nec non chirurgis inferioris ordinis exponet.

FRIDERICUS SKOBEL

M. ET CH. D. P. P. O.

Hodegeticen medicam duce Friedlaendero auditoribus anni primi, diebus Lunae, Martis, Mercurii, Jovis et Veneris semestri hyemali ab hora 3—4, tradet. Qua finita iisdem horis auditoribus anni tertii Pathologiam generalem praeunte Starkio per utrumque semestre exponet.

Pharmacodinamicen una cum arte formulas medicas concinnandi e propriis schedis, Therapiam generalem duce Conradio, et Diaeteticen duce Wildbergio, per utrumque semestre auditoribus

anni 3tii diebus Lunae, Martis, Mercurii, Jovis et Veneris
ab hora 8—9 explanabit.

ANTONIUS KOZUBOWSKI

M. ET CH. D. P. P. O.

Anatomiam, duce Bock, auditores anni 1mi per utrumque semestre
diebus Lunae, Martis, Mercurii, Jovis et Veneris ab h. 10—11,
Physiologiam, duce Müller, auditores anni 2di per utrumque se-
mestre diebus Lunae, Martis, Mercurii, Jovis et Veneris ab
hora 2—3 docebit.

Exercitationes anatomico-practicae a mense Octobri ad Aprilem
diebus Lunae, Martis, Mercurii, Jovis et Veneris ab hora
9—10, et 2—3, auxiliante Adjuncto a Candidatis instituentur.

JOSEPHUS MAJER

M. ET CH. D. P. P. O.

Elementa Psychologiae et Logices, Physiologiam et Pathologiam
generalem, elementa Physices, Therapiam generalem et Phar-
macodynamicen, Pathologiam et Therapiam specialem, Chirur-
gis inferioris ordinis explicabit in utroque semestri diebus Lu-
nae, Martis, Mercurii, Jovis et Veneris ab h. 8—9 et 3—4;
aestivo vero tempore iisdem, nec non auditoribus medicinae
anni tertii diebus Lunae et Jovis ab hora 3—4 Veterinariam
generalem et doctrinam de morbis epizooticis et contagiosis,
praeunte Wagenfeldio tradet.

FRIDERICUS HECHELL

M. ET CH. D. P. P. O.

Medicinam forensem et Zoagriam praeuntibus Henke, Bernt et
Orfila hyemali semestrio diebus Lunae, Martis, Mercurii, Jovis
et Veneris hora 12—1;

Politiam medicam ducibus J. P. Frank, Bernt et Nicolai, aestivo semestrio iisdem diebus et horis;

Historiam Medicinæ et Chirurgiæ e propriis scriptis ducibus Sprengel et Hecker utroque semestrio iisdem diebus hora 2—3 pomerid. exponet.

JOSEPHUS KWAŚNIEWSKI

M. ET CH. D. P. P. O.

Theoriam artis obstetriciæ auditoribus anni tertii, nec non feminis artem obstetr. discentibus semestri hyemali, ducibus Froriep et Carus, diebus Lunæ, Martis, Mercurii et Jovis ab h. 9—10,—doctrinam de morbis feminarum duce Joerg auditoribus anni quinti semestri hyemali diebus Martis et Jovis ab h. 3—4, iisdem vero horis semestri aestivo de morbis infantum ducibus Henke et Wendt exponet.—*Praxin artis obstetriciæ*, auxiliante Adjuncto, auditores anni quinti nec non feminas arti obstetr. vacantes docebit per utrumque semestre diebus Lunæ, Mercurii, Jovis et Saturni ab hora 7—8.

LAURENTIUS DOMAŃSKI

M. ET CH. D.

Medicinam veterinariam quater decies horis postea designandis per hebdomadem tradet.

ORDO PHILOSOPHORUM.

JOSEPHUS JANKOWSKI

PHIL. ET J. U. D. P. P. O. H. T. FACULTATIS PHILOSOPHICÆ DECANUS.

Psychologiam et Logicam auditoribus anni 1mi semest. hyem. diebus Lunæ, Mercurii, Veneris et Saturni ab h. 8—9,

Ethicam auditoribus anni 2di per utrumque semestre diebus Martis, Jovis et Veneris ab hora 8—9, Historiam philosophiae auditoribus anni 2di per utrumque semestre diebus Martis, Jovis et Veneris ab hora 9—10 tradet.

MAXIMILIANUS WEISSE

PHIL. ET J. U. D. P. P. O. OBSERVAT. ASTRON. DIRECTOR.

Mathesim sublimiorem per utrumque semestre quotidie ab h. 11—12, duce Burg, Ettingshausen et Poisson tradet.

Astronomiam per utrumque semestre diebus Martis, Jovis et Saturni ab hora 10—11, duce Santini et Littrow docebit.

JOANNES CAJETANUS TROJAŃSKI

PHIL. D. P. P. O.

Octies per hebdomadem tradet literas latinas et polonicas: auditoribus anni secundi diebus Lunae, Mercurii, Veneris et Saturni hora matut. 8—9; auditoribus anni primi iisdem diebus semestri hiberno hora 9—10, semestri aestivo hora 7—8. Et polonicas quidem literas exponet e suis schedis; historiam liter. latin. ducibus Matthiae et Passov; antiquitates Romanorum ratione ac via a Creuzero monstrata.

MICHAËL WISZNIEWSKI

PHIL. D. P. P. O.

Historiam universalem auditoribus anni 1mi diebus Jovis, Veneris et Saturni ab h. 11—12, auditoribus vero anni 2di diebus Lunae, Martis et Mercurii ab h. 11—12; Historiam literariam universalem duce Wachler, auditoribus quibuscunque per utrumque semestre diebus Martis et Jovis ab h. 3—4 tradet.

FRANCISCUS XAV. STACHOWSKI

S. THEOL. ET PHIL. D. P. P. O.

Doctrinam religionis auditoribus anni primi per utrumque semestre diebus Martis et Jovis h. 8—9; auditoribus vero anni secundi die Martis h. 3—4 die Jovis h. 10—11;

Paedagogiam auditoribus quibuscunque per utrumque semestre diebus Veneris et Saturni ab h. 4—5;

Linguam Graecam iisdem per utrumque semestre diebus Lunae et Mercurii ab h. 4—5 tradet.

JOSEPHUS MUCZKOWSKI

PHIL. D. BIBLIOGRAPHIAE P. P. O. ET BIBLIOTHECARIUS.

Bibliographiam per utrumque semestre diebus Lunae, Mercurii et Veneris hora 3—4 profitebitur.

LUDOVICUS STEPHANUS KUCZYŃSKI


PHIL. D. P. P. O.

Doctrinam physices auditoribus anni 2di per utrumque semestre diebus Lunae, Mercurii et Saturni ab h. 9—10; praeterea quotidie semestri hiberno h. 2—3 pom., semestri vero aestivo h. 7—8 matut. exponet.

JOANNES CANTIUS STECZKOWSKI

PHIL. D. OBSERV. ASTRON. ADJUNCTUS.

Professoris Matheseos elementaris, cujus cathedra vacat, vice fungetur. Tradet arithmeticam, algebram; item geometriam, stereometriam, trigonometriam et sectiones conicas explicabit, quotidie hora 10—11, et praeterea die Martis h. 9—10.



Adjuncti Professorum Facultatis medicae et philosophicae:

Joannes Cantius Rzesinski Ph. et J. U. D. Adjunctus Bibliothecarii;—
 Joannes Cantius Steczkowski Ph. D. Adj. Directoris Observa-
 torii Astronomici; — Brodowski Franciscus M. D. Adj. Di-
 rectoris instituti medico-clinici; — Jaszezurowski Josephus M.
 D. Adj. Directoris instituti chirurgico-clinici; — Bulikowski
 Franciscus M. D. Adj. Professoris artis obstetriciae; — Ga-
 domski Antonius M. D. Adj. Prof. physicae; — Sadkowski
 Joannes Adj. Prof. Anatomiae; — Kozubowski Ignatius Candid.
 Pharmaciae Adj. Professoris historiae naturalis. Adjuncti Prof.
 Chemiae munus interim vacat.

Linguam Germanicam Augustus Otremba per utrumque semestre
 quotidie h. 5—6 pomer.

Linguam Gallicam Franciscus Aubertin hora 11—12.

Linguam Rossicam Hieronymus Mecherzyński hora 2—3, docebunt.

Lectorium in Bibliotheca publica Universitatis semestri hyemali quo-
 tidie, exceptis diebus festis, ab h. 9—1; semestri vero aestivo
 ab hora 9—12 et 3—6; — Observatorium Astronomicum
 horis 3—6, diebus Jovis et Solis; — Museum Chemicum die-
 bus Veneris ab hora 9—12; — Museum Physicum die Satur-
 ni ab hora 9—12; — Museum Zoologicum et Mineralogicum
 die Saturni ab h. 1—4 tempore hyemali, aestivo vero ab h.
 3—6; — Hortus Botanicus quotidie, patebunt. Hospitibus vero
 extraneis, qui Musea, Biblioth. et Observat. invisere cupiunt,
 nulla hora praefinita est, dummodo tempus praelectionibus sa-
 crum condonare velint.

